

**Uunga siunnersuut: Namminersorlutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata allanngortinneqarneranik Inatsisartut inatsisaat nr. xx, xx. xxx 2017-imeersoq (Ilulissani, Aasianni, Sisimiuni, Nuummi aamma Qaqortumi Namminersorlutik Oqartussat ilaqutariinnut ataasiakkaanut illuutaannik aamma illuutaannik affarleriinnik ilaatitsinnginneq kiisalu tamakkiisumik akiliuteqarluni tiguisinnaanissamut periarfissaq)**

*(Saqq.: Kommunitut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)*

**pillugu**

**Sanaartornermut ataatsimiititaliap**

**ISUMALIUTISSIISSUTAA**

**Siunnersuutip aappassaaneqarneranut tunniunneqartoq**

Suliarineqarnerani ataatsimiititaliaq ukuninnga inuttaqarpoq:

Inatsisartunut ilaasortaq Bendt B. Kristiansen, Inuit Ataqatigiit, siulittaasoq

Inatsisartunut ilaasortaq Jens-Erik Kirkegaard, Siumut, siulittaasup tullia

Inatsisartunut ilaasortaq Pitsi Høegh, Siumut

Inatsisartunut ilaasortaq Jess Svane, Siumut

Inatsisartunut ilaasortaq Villy Olsvig, Inuit Ataqatigiit

UKA 2017-ip nalaani ull. 27. September siullermeerereermermi siunnersuut ataatsimiititaliamit misissorneqarpoq.

**Siunnersuutip imaa siunertaalu**

Inatsisissatut siunnersuut piginneqatigiilluni illuliorneq pillugu inatsisiliorneruvoq nutaaq ullutsinullu naleqqussagaq, siusinnerusukkullu inatsisinut sanilliullugu nunami sumiiffiit minnerit iluaqutissinneqarput, ilaatigut piginneqatigiilluni inissialiornermi peqatigiiffiit mikinerusut periarfissinnerisigut, taarsigassarsianut killiliussat allanngorartinnerisigut, kiisalu pigisat aalaakkaasut pillugit niuernerit naleqqussaqinneqarnerisigut.

**Siunnersuutip Inatsisartuni siullermeerneqarnera**

Siunnersuut ataatsimut isigalugu tapersorneqarpoq. Apeqquilli ataasiakkaat akineqarnissaat kissaatigineqarpoq, kiisalu inatsisissamut siunnersuutip atuutilernerani kingunissaasa ilai Sanaartornermut ataatsimiititaliamut misissortikkumaneqarlutik.

### **Tusarniaanermut akissutit**

Tusarniaanermut akissutit inatsisissatut siunnersuummut tapiliunneqarput, tamannalu Inatsisartut Siulittaasoqarfianit ilusiliinissamut piumasarineqartunut naapertuuppoq.

Ull. 9. Juni 2017 siunnersuummik tusarniaanermut piffissaliunneqarpoq, siunnersuullu tamanut saqqummiunneqarpoq tusarniaanermik nittartakkami [www.naalackersuisut.gl-imi](http://www.naalackersuisut.gl-imi) ulloq 11. Maj 2017.

Tamatuma saniatigut inatsisissatut siunnersuut piffissami 4. maj 2017 – 9. juni 2017 tusarniaassutigineqarpoq.

Ataatsimiititaliap maluginiarpaa tusarniaanermut uku akissuteqaqquneqarsimasut: Naalackersuisut Siulittaasuata Naalackersuisoqarfia, Pinngortitamut Avatangiisinullu Naalackersuisoqarfik, Aningaasaqarnermut Akileraartarnermullu Naalackersuisoqarfik, Aatsitassanut Ikummatissanullu Naalackersuisoqarfik, Aalisarnermut Piniarnermullu Naalackersuisoqarfik, Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfik, Isumaginninnermut, Ilaqutariinnermut, Naligiissitaanermut Inatsisinillu atuutsitsinnermut Naalackersuisoqarfik, Peqqissutsimut Nunanullu Avannarlernut Suleqatigiinnermut Naalackersuisoqarfik, Ilinniartitaanermut, Kulturimut, Ilisimatusarnermut Ilageeqarnermullu Naalackersuisoqarfik, Namminiilivinnermut, Nunanut Allanut Nunalerinnermullu Naalackersuisoqarfik, A/S Inissiaatileqatigiiffik INI, Iserit A/S, Agerskov Consulting ApS KANUKOKA, Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, KANUNUPE, SIK (Sulinermit Inuussutissarsiuteqartut Kattuffiat), Sulisitsisut (GE), Peqqinnissaq Pillugu Kattuffiit (PPK), Nunatsinni Perorsaasut Kattuffiat (NPK), Atorfillit Kattuffiat (AK), IMAK (Ilinniartitsisut Meeqqat Atuarfianeersut Kattuffiat), Kalaallit Nunaanni Ilinniagartuut Kattuffiat (ASG), Mittarfeqarfiit A/S, Nukissiorfiit A/S, Asiaq, Kalaallit Nunaanni Naalagaaffiup Sinnisua, Kalaallit Nunaanni Politimestereqarfik, Kalaallit Nunaanni Eqqartuussivik, LM Ejendomme, Lynges.gl, Ejendomskontoret, Danske Bank, GrønlandsBanken, BankNordik, BRFKredit, Nykredit, Finanstilsynet.

### **Naalackersuisumik ataatsimeeqateqarneq**

Tallimangornermi 13. Oktober Ineqarnermut Naalackersuisoq Sanaartornermut ataatsimiititaliamik kiisalu partiinik Sanaartornermut ataatsimiititaliami sinniisuutitaqanngitsunik naapeqateqarpoq.

Naapeqatigiinnermi inatsisissatut siunnersuutit ineqarnermut tunngasuusut isummorsorfigineqarput, taamaalillunilu siunnersuutit ataasiakkaat pillugit itisiliinissamut periarfissarissaartoqarluppoq.

### **Siunnersuutip ataatsimiititaliamit suliarineqarnera**

Siunnersuut innersuunneqartoq ataatsimiititaliap soqutigalugu misissorpaa. Tamatumani ataatsimiititaliap maluginiarpaa, siusinnerusukkut Inatsisartunut ilaasortap Steen Lyngep siunnersuutigisimasaanut siunnersuut pissusissamisoortumik nangitsinerusoq.

Ataatsimiititaliattaq paasivaa, siunnersuut siusinnerusukkut Aningaasanut Inatsisiusartunut oqaasertaliussatut aalajangerneqartartut pillugit inatsisiliaasoq.

Ataatsimiititaliattaq maluginiarpaa, sinerissami “illunik atornikunik” niueruteqarnermi siusinnerusumut sanilliullugu pissusiviusut tunngavigalugit niuernerni atugassaritinneqartunut annertunerusumik qanillattuinnissamut siunnersuut una atorlugu periarfissiisoqarniartoq.

Ataatsimut isigalugu oqaasertaliunneqartartut piviusumik inatsisiliariniarneqarnerat ataatsimiititaliamit ajunngitsutut isumaqarfigineqarpoq, taamaalilluni inuiaqatigiinni inatsisunik tunngaveqarluni aamma kikkulluunniit oqartussaaqataanerat ingerlalluortoq tunngavigalugu suliatigut pisinnaasat kiisalu kikkulluunniit oqartussaaqataanerat tunngavigalugit ingerlanneqarsinnaassalluni.

### **Siunnersuutip aningaasatigut kingunissai**

Siunnersuutip piviusunngornerani aningaasatigut kingunissai siunnersuutip nalinginnaasumik nassuiaatitaani allassimapput.

Taasani ima allassimasoqarpoq: “Siunnersuutip pisortanut aningaasaqarnikkut kinguneqartitsinissaa naatsorsuutigineqanngilaq. Illoqarfinni Ilulissani, Aasianni, Sisimiuni, Nuummi aamma Qaqortumi ilaqutariinnut ataasiakkaanut illut aamma illut affarleriit Namminersorlutik Oqartussanit kommuninilluunniit tuniniarneqarusuttut, suli tuniniarneqarsinnaassapput. Siunissami tuniniaanerit naliliinermi akiliutigineqartussaq pinnagu niueqatigiinnermi akiliutigineqarusuttumut pisortatigoortumik neqerooruteqarnikkut pisolissaaq.”

Allatut naliliinissamut ataatsimiititaliap pissutissaqanngilaq.

### **Ataatsimiititaliap inassutai**

### **Ataatsimiititaliap isumaqatigiittup akuerineqassasoq inassutigaa:**


17. oktober 2017

UKA2017/103

Taamatut oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Bendt B. Kristiansen,  
Siulittaasoq



Jens-Erik Kirkegaard,  
Siulittaasup tullia



Jess Svane



Pitsi Høegh



Villy Olsvig